



來源: 明報

(<http://hk.news.yahoo.com/%E6%84%B9%E9%A6%AC%E4%BB%95%E8%BC%B8%E7%95%80%E6%84%B9%E7%91%AA%E4%BB%95%E4%B8%AD%E6%96%87%E5%95%86%E6%A8%99%E9%81%B2%E8%A8%BB%E5%86%8A-%E6%B3%95%E5%95%86%E6%81%A8%E9%8C%AF%E9%9B%A3%E8%BF%94-212344332.html>)

日期: 2012 年 02 月 28 日

## 愛馬仕輸畀愛瑪仕 中文商標遲註冊 法商恨錯難返



HERMÈS

【明報專訊】iPad 商標爭拗終未完，法國奢侈品「愛馬仕」(Hermès)又遇勁敵！內地媒體嘍日話，1977 年喺中國註冊英文商標「Hermès」嘅愛馬仕時，竟然漏咗註冊中文商標，直到 20 年後，先發覺原來早已有間達豐製衣公司將「愛瑪仕」收歸麾下。

如夢初醒嘅「愛馬仕」，開始咗長達十多年嘅維權之路，先後 3 次向內地商標評審委員會提出撤銷土產「愛瑪仕」商標嘅申請，不過到家都仲未成功。內地法院話，「愛馬仕」提交嘅大部分證據都晚於土產商標嘅註冊時間，所以土炮「愛瑪仕」唔需要註銷，可以繼續使用。

法院裁定無問題 土炮「愛碼仕」照賣

雖然「愛馬仕」、「愛瑪仕」，多少都仲有差異，但大家可以想像，賣緊 3000 蚊一條「愛馬仕」絲巾嘅愛馬仕主席 Bernard Puech，去到上海視察時，見到旗艦店外幾條街上嘅「愛瑪仕」專門店，賣緊 30 蚊一沓絲巾，唔知幾肉酸。呢啲英法老牌家族企業，唔擔心要使幾多錢消災，唯獨最擔心嘅就係幾十年、甚至幾代人心血打造嘅品牌，頃刻間變成街邊貨。

小琴搵番內地註冊商標收費，除咗 1000 蚊申請費外，一個中文商標現時要 120 蚊，英文商標 200 蚊，圖形貴少少，要 240 蚊一個。所以，唔怪至得 facebook 創辦人朱克伯格，前排喺內地瘋狂註冊商標，但都係遲咗，因為最流行嘅「臉譜」、「臉書」已經被中國人搶註咗，小琴套用內地嘅一句流行語，就係地球已經無法阻止國人嘅奪商標進程！